

趙恭毅公自治官書類集

趙恭毅公自治官書卷之二十目次

長沙何祖柱蒐輯

藝文

祝詞類

保安祝文

萬壽祝文

祭告南嶽文

萬壽聖誕祭告南嶽文

祭公安縣名宦祠先府君文

序記類

禮樂祭器序文

蔡忠烈公墓碑記

蔡周二忠祠祭田碑記

重建李忠節公祠碑記

重建劉忠毅公祠碑記

長沙澧城東北隅關帝廟田碑記

新建前湖南方伯陞任山東大中丞郎公祠堂記

重修道鄉臺併建祠堂記

重建趙忠定公祠記

宋刻寸知集憲稿自述弁首

對聯類

院署聯二

趙忠毅公祠聯

去思類

桂陽州商民公建大中丞趙公書院記

耒陽縣公建趙大中丞書院記

衡郡紳士公頌陞任總憲 趙公去思碑

桂陽州商周六府等公頌 趙大司農恩德碑

湖南士民駢赴常德公額 欽差保留趙中丞詞

湘鄉士民頒刻實政錄公請 蒲大中丞詞

銜湘鄉縣令續刻撫楚實政書檄

湘鄉士民易宗湑等請建 趙大中丞書院呈

湘鄉士民請刻 趙大中丞撫楚實政文告呈

湘鄉視令請建書院捐刻政錄詳

湘鄉士民奉文允刻趙大中丞政錄公約助貲

趙公實政錄跋

湖南司道公請建立趙大中丞生祠刊刻奏草詳

趙恭毅公自治官書類集卷之二十

長沙何祖柱蒐輯

藝文

祝詞類

保安祝文

倘沅巡撫臣趙申喬擇於康熙四十七年爲始祇肅齋
沐率領所屬諸臣啟建保安道場九晝宵恭撰榜文肅
將虔禱伏以

帝德協天庥奎壁星輝黼座 神功維地軸翼軫光輔

紫宸 祥開黍稷之馨 吉協升恒之頌 觀 神威之
震赫慶洽臣工咸 嶽峙之效靈歡騰黎庶欽惟
皇帝陛下 德綏九土仁昌八紘 治以無爲歌薰風
於舜且 建其有極介景福於箕疇 文德武功懋建
中和之極 宵衣旰食聿隆參贊之猷洵矣覆載居心
至哉高明及物 恭默思道之內千聖之統獨有肩
敬慎出話之際六經之言皆註脚惟

睿哲端由天縱而 孝慈獨自性成廣宣

聖訓勉忠愛以勵臣工特渙

天章勵賢良以甄士子 治隆化洽遐邇瞻禮樂之雍
容 德懋功高荒服稟干戈之戢翼兆民胥慶咸歌熙
皞於寰中重譯來朝共 沐恩膏於海外允臻已治已
安之盛猶厯予儼於溺之懷思民命之堪憐爰於欽恤
之典念災黎之失所用沛蠲賑之仁飭吏治而肅官方
總期澤物諮利弊而悉民隱務在寧人廣制科以登崇
俊良舉徵辟以旁搜隱逸疏通下逮於商賈資予遍及
於戎行普天咸慶生成率土均沾湛蕩臣等仰沐
寵眷叠荷 殊恩每懷頂踵之難酬私戀

闕廷而倍切特乞靈於維嶽共祈

御體全安達微忱於

上峯端額

聖明永膺且衡山原稱主壽而洞府本應長生諏吉旦
於元陽集高真於福地恭瞻

北闕敬祝延齡齊仰南山崇修清醮駿奔新廟儼從颺
拜之班踰躋法筵普致祝釐之頌伏願

皇躬於揚齡齊不已之天

聖德清明光被重離之照木支百世川方至而日方升過

周家之三十六王

壽考萬年乾同健而坤同貞邁天皇之八千萬歲矣謹

祝

萬壽祝文

備沅巡撫臣趙申喬謹擇於康熙四十六年三月十八日爲始祇肅齋沐率領所屬諸臣敬建

萬壽道場三晝宵恭撰榜文肅將虔祝伏以

帝德配天大年自偕天並永

臯猷麗日純嘏常與日俱新 祥開姑洗之辰

慶洽祝釐之會歡騰黎庶群瞻南極揚輝喜溢臣工咸望東華益筭抒誠拜祝稽首陳情欽惟

皇帝陛下 德邁百王 道高千古 體元建極本精

一而昭融 贊地参天致中和而位育乾惕者五十載
禮樂兵農悉親裁於宥密之內照臨乎萬方飛潛動植
咸樂育於覆幬之中正德厚生極邇隆而莫並揆文奮
武盡美善以難名溯濂洛之真源會泗沂之道統勵精
圖治夢想求賢助歛補耕無一夫之不獲賑窮宥罪合
萬物而曲成廣制科舉微辟特渙

天章飭吏治肅官方廣立

綸訓洵膺哲之由於天縱兼仁厚之篤自性成普天咸
慶昇平率土均沾浩蕩臣等身沐 殊恩愧頂踵之莫

報欣逢

聖誕戀輔辰而彌殷淑景陽春箕疇天賜遙遙數千里
莫迷鳬趨渺渺方寸張崇修清醮蓋自

天

篤祐固無俟於禱所而輯志精虔於以展乎愛戴衡山

原稱主壽洞府本注長生梵貝天花助添壽於瀛海心

香意葉偕紀壽於恒沙維嶽有靈呼吸能通帝宰

至誠無息清寧永迓天庥颺頌非私齋心惟肅伏願

皇躬乾健景命坤貞霞映祝融現朱草醴泉而呈瑞

星明太乙映丹文綠字以騰輝華

皇圖於磐石之安綿 國祚以苞桑之固在在嬉遊舜
日人人長戴堯天會山陬海澨以傾心

一人有慶庶天保南臺而致祝

萬壽無疆謹疏

祭告南嶽文

維康熙四十七年歲次戊子十二月癸卯越二十七日
己巳具官趙申喬謹昭告於 南嶽大帝之神座前而
言曰嶽視三公職司輔弼皇躬是保懋昭乃績伏惟
尊神離昭文明赤煇布練朱舄儲精上應斗樞籍註長
生魏峙南維赫職耀靈維我

皇上膺圖御宇敦敏徇齊聖神文武德廣功崇超軼千
古猶勤 宵旰俾民安堵四十七載日殫厥心 萬幾
積瘁靜攝方殷臣等驚聞踧踖精白惴忱敬 神祈禱

自注卷二
保安誦經惟山主壽默爲護佑心君泰寧繁祉輻臻於
萬斯年純嘏永茂與天同高與地同厚惟神有靈陟
降左右謹告

萬壽聖誕祭告南嶽文

維康熙四十八年歲次己丑三月壬申朔越十六日丁亥具官趙申喬謹昭告於南嶽之神而言曰天碩南服神鎮是邦天眷有德神佑無疆惟我皇上受命穹蒼星樞表瑞聿渚呈祥乘乾出震統馭萬方揆文奮武肅紀立綱澄清吏治整飭官常闔門額俊多士觀光黜租發粟比戶偕康懷柔河嶽永靖櫬櫓貢琛獻矢莫不梯航

一人有慶惠及八荒恭逢

萬壽遐邇懽翔臣等備員末由躋堂瞻

天拜舞華祝載颺惟 嶽主壽如阜如岡惟 神篤佑
併熾併昌翼我

聖主天地同長千秋萬歲永奉吾

皇謹告

祭公安縣名宦祠先府君文

維康熙四十有七年歲次戊子八月甲辰朔越十三日
丙辰巡撫備沅等處地方提督軍務兼理糧餉都察院
右副都御史男申喬謹百拜致祭於 荊州府公安縣
名宦祠原任公安縣知縣陞任兵部車駕司主政待
誥贈巡撫備沅等處地方都察院右副都御史先府君
之神位而言曰嗚呼 公之來楚幼學壯行 公之治
楚保障干城 公之去楚琴鶴比潛 公之祀楚俎豆
永歆嗟予小子陟帖悲深憶昔壬午奉

命逾荆停騶入邑精爽如臨瞻拜徬徨愴臆霑襟蒙

恩調撫長沙戴星越軻未敢翹首魂親茲來楚北有事

關津艤舟問渡特造南平宮牆既肅棖桷維新令名

勿替崇報實殷小子涼德有負趨庭素餐六載不日陳

情言歸丘壑結廬墓塋啟廸後嗣遵秉先型念我

顯考松筠共貞儼依

聖域百世猶存嗚呼尙饗

序記類

禮樂祭器序文

在昔尼山紹堯舜禹湯文武之傳聞微言明大義以爲
萬世師蓋集聖人之大成而宜食報於無疆者也然時
隆斯道亦從而隆恭遇我

皇上巍巍成功煥乎文章已登三而躋五而崇儒重道
遠邁漢唐故修闕里之祀 國學之享彬彬乎樂備禮
明載諸典誌矣猶虞邵縣學宮其春秋祭典雖有舊制
器久而殘人習而玩不無情文未備之感爰 勅學臣

通行修理乃

綸音未下堂階而辟雍鍾鼓已播於河山萬里之外其
時楚司厥職者川勵糾虔益勤博採失次收之殘缺補
之於恪遵 時憲之中間倣古製舉凡器數聲容悉繪
之圖像鐫之梨棗以垂久遠猗歟盛哉觀於其器運豆
是有犧象是陳棖桺几筵之躋踰森森如階也觀於其
聲琴瑟在御鍾磬在懸八音五聲之永諧洋洋如接也
觀於其容而執籥秉翟綴兆之進反舞蹈之徐疾又左
之右之無不宜之也於以勳 盛世之文明而象尼山

之美善不亦使考禮而問樂者發觀止之嘆也哉

蔡忠烈公墓碑記

嗚呼此有明贈太僕卿前長沙司理忠烈 蔡公江門
先生之墓也公以罵賊寸磔死曷爲乎有墓公之墓卒
變國俊將從公死而先娶公骸以葬於此也公諱道憲
江門其號閩之晉江人少穎悟博覽群書兼通韻畧崇
禎癸酉舉於鄉年十九洎丁丑成進士筮仕雲南司理
以父艱未任服闋補長沙獻賊陷鄂岳前騎猝至湘陰
長沙戒嚴吉惠二藩走衡州撫軍以下監司僚佐皆遁
去當斯時公方攝太守事與守將尹先民誓死守先民

陽許諾而陰與吉閣輸款於賊八月朔圍長沙一夕公
單騎臨城會賊十餘攀堞而上公悉手刃之先民出戰
詐潰引賊逼城下賊呼曰推官吾素知公名請勿死公
變弓射之賊少退乃急出城中民十餘萬家城陷公還
署朝服北面拜遂被執幕下卒九人皆從及見賊令公
跪不屈以刃斫其膝撲地使尹先民誘降公厲聲叱曰
吾卽死耳恨不磔殺尔尔尙何言奮拳擊之先民避去
賊又謂九人者說公降不降尔曹亦死九人曰吾公可
降不至今矣吾輩畏死不至此矣賊怒先戮其五人以

懼公公不動且笑且罵賊擲刀搥公胸血濺賊首賊卽仆諸賊皆失色頃之後磨其頸以刃公公起旋揚眉舉足笑自若罵亦不絕聲賊乃斷其股裂其肩公復麾手作擊賊狀罵亦厲已而兩腕皆斷舌亦鉤出齒尽毀公舍血噴賊衣枕以眼鼻爲塞卒聲向賊賊怒甚復命抉眼剔鼻支解尽乃絕諸賊觀者皆爲股栗泣下此癸未年八月二十六日事也時年二十九明年五月賊潰走事聞贈謚如今稱夏立祠祀焉當公之死也幕下卒九人戮且尽國俊獨躍而起謂賊曰緩我須叟死俟莖吾

主後殺我遂枕公屍大慟解衣褻其骨肉血淋漓并拾
朱屨藁葬城南醴陵坡下其明年兵使者堵公應錫易
衣冠改葬之今謂之理靈蓋以公官司理而易名也國
俊詣賊所請殺賊欲活之俊不可遂自經也昔李忠節
公全家死義有幕下卒沈忠自殺以殉今公死而俊殉
豈皆其後身耶余幼聞先君子稱說卽慕公之爲人及
撫長沙旣拜公之祠復率僚屬將吏拜公於墓下爲言
公殉難本末聞者皆歔歔感憤不自勝嗚呼公之死距
今六十餘年矣而興起激發乎人者如此非其忠義大

節誠足以風百世而無窮乎余又讀郡誌中山陰朱俊
爲公傳其言公被執乃尹先民縛之以降賊嗟乎先民
負心賣國偷生一時今亦安在而公俠骨在地忠魂在
天孤壠長松一壤千古文山云奸雄過此仔細思量豈
不信哉凌國俊湘鄉人塚在公傍時

康熙四十有四年歲次乙酉仲冬下浣

賜進士出身延撫偏沅等處地方提督軍務兼理糧餉
都察院右副都御史武進趙申喬謨文

蔡周二忠祠祭田碑記

自來忠臣義士臨大節而不可奪至於捐軀如屣視死如歸其浩然剛大之氣足以克塞天地爭光日月而垂之無窮固不在乎廟貌之存亡血食之有無也然而國家風勵之典與其邦人哀慕之篤報享之誠則不可以廢江門蔡公諱道憲閩之晉江人起家進士年甚少明季司理長沙當是時闖猷分道流掠而猷賊已陷武昌徇咸寧蒲圻而上所過皆殘破進逼長沙會太守先入覲監司以下僚佐皆遁走獨公一人晝夜爲守禦計

守將尹先民陰輸款於賊公知事不可爲乃急出百姓
十餘萬戶嬰城死守賊稔知公愛民聲言不下且屠以
脅公公正色罵曰寧磔我毋殺百姓城陷被執朝服北
面載拜曰生不能滅賊願以死報賊百計誘降公罵不
絕口賊擲刀刺公胸血濺賊首卽仆地揚眉舉足神色
自若賊斷公足裂公眉復以手麾賊罵益厲旣而截其
兩手鈎其舌去之又擊其背磔且絕猶楚楚作恨聲賊
詰何恨曰恨不殺尹先民獨濫殺吾百姓耳賊皆爲流
涕事聞贈大僕卿謚忠烈建祠置田奉祀焉嗚呼人臣

遇難而能死忠者鮮矣如公之死更有幾人哉先是壬午秋公預分校時先君子以公安令偕入闈一見如平生以道義相期許及入覲聞公赴義先君子南向長號曰江門死矣爲哀辭以弔之先君子嘗言公之忠孝出於天性舍生取義其素所立志已然余心識之未嘗不感憤大息想見其爲人今大丈夫不幸而生危難之秋蹈白刃赴湯鑊乃其當事然慷慨引決須臾畢命父母妻子都不暇念若公之殺身如此之慘而一息尙存不忘區區之百姓豈非其忠主之志纏綿固結於中而不

可解乎嗚呼可以血食於茲土矣後闖逆殘賊陷瀏陽
太守周公二南督兵徃鏖戰歿於陣贈官亦如公並祀
於公祠今謂之二忠祠是也祠有田千畝爲兵死者堵
公應錫籍諸從逆家以爲忠祠田滄桑以來奸僧武劣
相繼侵踞公之鄉人舊善化令倪康年查復基宇清出
祠田二頃二十四畝有奇視經始舊規僅什之二三耳
余奉

命巡撫楚南駐節長沙仰體

聖天子風世勵俗之意凡忠孝節義載在祀典而祠宇

毀廢者皆爲按冊清楚於是士民之好義者置公祠田
之終遭侵沒也請以一言垂諸後余廼下所司議之按
其興廢之由較其現存之田址皆言宜如所請且言同
時死賊者有孝廉馮一第歲貢吳愉湘陰合陽周寧鄉
尹丘存忠長沙府照磨莫可及長沙邑丞吳士義又公
募卒變國俊陳世科皆宜祀公祠變國俊者募下從者
九人之一也將就戮先解衣裝公骸瘞城南醴陵陂下
諸賊所自經死其殉公爲尤烈余考諸志乘採之外史
道聞與所司議皆合爰悉從其請而臚其說於石更爲

文詳公殉難本末表於墓傍見義之不可磨滅而今日
之人心猶有不忍忘公之德者也雖然予惡能文亦本
先君子之所言而聊述其生平景仰之私焉耳至於祠
山在華嚴塘洪山廟長塘三處糧載善化之四都三甲
十柱冊尾每歲額租一百二十石向入僧戶殊不經特
令改正二忠祠戶名後之守土者時加釐祭俾丞嘗有
賴未必無補於名教云時

康熙四十四年歲次乙酉孟春中澣

賜進士出身巡撫偏沅等處地方提督軍務兼理糧餉

都察院右副都御史武進趙中喬謹識

重建李忠節公祠碑記

長沙朱潭州地也郡治西北一里許宋時有露仙觀後
改爲熊湘閣乃湘南安撫司知潭州使李忠節公帶死
義處卽其地立祠祀之志乘所載與詢之士人皆合余
撫偏之二年訪拜公祠不可得雖求其頽垣敗柳荒墟
廢址亦無有存者亟命有司勘之盡爲居民侵踰構宇
列楹於其間春秋兩祀久不設存其名而已余憮然久
之曰是守土之責也以公之力捍危城闔門殉難大節
如此卓卓猶不得保其片席血食地此李文正所以嘆

息於不可示天下後世也按志祠創於明成化五年長沙守錢樹所建請於朝著祠典具春秋祭李文正公爲之記弘治中左爲祠其右爲布政分司正德中陰陽官李嘉望侵其右爲已業萬曆二十年備兵使者徐學聚捐俸葺祠復其右侵地居民之築廬築池者俱設於官崇禎十六年又以寇燬至於今蓋六十餘年矣嗚呼何其宜復而久不復也有司勘旣得實而卒以速退侵地頗難之余曰此公之忠魂所依也遷其地無以妥公靈於是昔之侵者盡出焉基廣四丈七尺袤有十四丈會

以劉忠毅公祠亦廢乃更闢其東偏之民地廣一丈義
十丈而酬以直爲並建兩祠經始於康熙四十三年之
四月落成於七月計其闢地之直與夫鳩工庀材之資
則三百金而稍縮焉祠有門有堂有綬絲以周垣施以
丹堊凡棟樑甍甍皆新脫於斤陶煥如也有司消吉八
月之二十有六日迎主入祠而尹楊顏陳四配及從事
之沈忠悉置主附享余親詣釋奠四顧徘徊愴然而感
喟然嘆曰公之事史牘之李文正誌之詳矣夫宋自南
渡後一壞於檜再壞於似道戕賊忠良纏結民怨迄於

德佑而天之厭宋已久矣特以文信國張世傑諸君子
抱忠義不磨之心爲逆天之舉天亦不得已而延此若
存若亡之一綫於一旦公之智豈見不及此公之發卒
勤王也方爲湘南提刑其先以忤似道罷官家居假令
稱病不出則公可以不死旣而湖以北皆歸元游騎已
入湘益諸縣而公以安撫使始至潭城中卒不滿三千
聞兵倉卒薄城下假令聞寇而勿行卽行矣而或棄城
他守則公可以不死旣而慷慨登陣日激厲其將士死
傷相藉猶飲血乘城拒守三越月大小戰數十合除冬

城將陷聞尹穀且死公命酒醉之留賓佐會飲達旦若
於此時呼帳下敢死士衛其孥潰圍出則公死而公之
全家可以不死而公竟死矣公且以全家死矣方其坐
熊湘閣召幕下沈忠諭以欲殺全家意忠俯伏叩頭辭
而後泣諾徧刃其家十九人公遂延頸受刃忠復縱火
焚其居還家殺妻子復至火所慟哭投地刎頸死嗚呼
此何如人此何如事卽百世而下聞其事想見其人庸
夫豎子猶爲之歔歔悲愴不自勝况居於斯朝夕出入
於斯而又儼然士大夫之列者耶則今日之重建公祠

也或亦廉頑立懦之一助耶然吾聞長沙舊誌有欲削公之事者此又何說也豈疾風頸草世之人固有不棄道者耶夫功名著青史節義炳天壤原不待後人之表章以爲輕重而余今日拜公之祠獨有不能已於懷者蓋欲留此不可磨滅之正氣與不可磨滅之往事以示天下後世亦猶文正之意云附公字叔章其先廣平人後徙家衡陽尹穀字耕叟號務實善化人舉進士掇知衡州未之官公聘爲安撫叅謀全家自焚死楊震字震仲醴陵人爲安撫使叅謀赴圍池死妻妾皆殉按通鑑

長沙人物誌所載皆同而文正記稱楊震無寔名長沙
取官表復載潭州泰卑楊震與寔並書其是非不可考
或由傳訛之誤耳陳億孫字一之安仁人舉進士除安
撫司叅議顏應焱字正伯茶陵人舉進士爲安撫司節
判皆與公同死以配享於祠故並記之時

康熙四十四年歲次乙酉仲春上澣

賜進士出身巡撫徧沅等處地方提督軍務兼理糧餉
都察院右副都御史武進趙中喬頓首撰文

重建劉忠毅公祠碑記

古之以忠而死長沙者自三閭大夫如其後賈大傳吊
之故艸城之西有屈賈祠卽賈大傳故宅也由祠而左
爲熊湘閣址乃宋忠節公全家殉難處舊有祠而廢
爲民廬余旣清復之重建祠於其地祠之後則爲前明
劉忠毅公舊基忠毅公蓋以御史巡按湖南而死張猷
忠之難者也各熙祚江南武進人起家孝廉崇禎癸未
猷賊陷武岳公率兵禦之入長沙兵潰復如衡再於永
當是時惠吉桂三藩皆棄封而道潰卒訖於前強寇歸

於後倉皇奔走公實護之行號召散卒將以固克復而賊猝至諸王走顧表公曰御史楚官也義不可去遂被執賊據桂卽坐殿上擁公入令之跪不從賊怒遂毆之且倒曳之由殿城至端禮門膚盡裂又縛公柱間脇以刃降且磔終不屈然賊意必欲降公使降將尹先民款誘之公與日不答遂囚以行至寧鄉宗師廟或言寧藪多義兵將謀奪直指使者遂磔公大戮寧人有僧竊識公骨瘞於路弘光時贈大僕卿予謚焉立祠於長沙之小西門內尋圯僧築舍以奉浮屠卽今之福佑港是也

余初以舊祠既廢而隙基後被居民侵占雜處意隔固
卽忠烈祠之左立祠祀公既思公固有祠縱民攘而遷
之懼公弗歆乃檄守令釐其舊址捐資構材規制宏敞
復奉公主歸於昔所禋祀者以妥公靈余登拜畢瞻顧
棟榱徘徊感慨因諭於衆曰爲臣死忠爲子死孝世皆
以爲奇節實不過一中庸之道耳然其要在於窮理其
根本在於立志彼夫全軀保妻子之徒平時未嘗講求
於取義成仁之學則見理不明而其志趣又沉溺於富
貴汨沒於聲色貨利一切卑鄙醜醜之所爲足以迷其

心神而消沮其氣一旦當大任臨大節鮮不委蛇選蠕
忍耻偷生至於一敗塗地者卽有矯矯自好之士始念
激發視陷胸決脰爲無難一轉念而其情動而其氣怯
而其始念已不能復持卒亦至於行敗名滅爲天下笑
此無他總由認理之未真而所志之不一先
定也當公之被執也題詩永州署壁其一有曰死生運
速皆前定堅此丹心映楚天其二又曰襄弘化碧非豪
事耿耿孤忠向九天時蓋欲全之而公以死自誓
故賦以見其志此其認理處復有回惑而其志又豈復

有游移而中變者哉夫明季諸王竊高位享爵祿而賣
國乞降不可一二數首鼠兩端棄城而遁者相踵也問
尙有至今存者乎彼之所畏惟一死而彼亦終死矣若
蔡忠烈以支解寸裂死公亦以磔死英風浩氣千古如
生卽今日而有瞻拜祠下歔歔感泣者則其死而不死
乃直至今存者也余公之鄉後進也每侍先大夫言公
捐軀盡節嘔嘆息不能已旣悉公之慨素重公之名今
訪得公之遺蹟而旣復其事祀又登之名宦從祀學宮
皆不足以爲公重亦庶幾使後之聞風者咸知死忠死

孝之爲中庸之道相與敦勵氣節以無自棄於名教焉
則猶公之大有造於此邦也若以公之死於君死於民
不惜毀骸碎骨備饕餮而身沒之後不能保其片壤
荒祠以享一邦之俎豆則無怪乎賣國乞降棄城竊逃
者之有詞以謝邦人也因書之以表公於不朽並告後
之蒞是邦者福休庵在祠右留以守祠故存皆

康熙四十四年歲次乙酉仲春上澣

賜進士出身巡撫備沅等處地方提督軍務兼理糧餉
都察院右副都御史武進趙申喬頓首撰文

長沙麗城東北隅關帝廟田碑記

祭法以死勤事以勞定國則祀之能禦大災能捍大患則祀之自古明神載在史典者皆其有功德於民者也然或血食一方而不能徧天下或尊奉於儒林或崇信於釋道而不能達之三教九流或畏敬愛戴出於薦紳士大夫不能下逮於村夫健兒婦人孺子之輩以是知神靈有及有不及而人心歸嚮遂因之以異也惟

帝君關夫子則不然余嘗過都越邑見夫器若城市郊衢僻若邨社大而名山道院浮屠之場小而荒原側嶺

行人棲息之宇像帝君而尸祝之者什有八九而虔心
稽首無論賢愚貴賤靡不肅然起敬凜然其如生也如
帝君之有言曰日在天之上心在人之中夫天無二日
而萬方同照人無二心而萬變同歸帝君之威靈普遍
卽其天之日人之心乎長沙故三國時荊州屬魏也魏
北郭外舊有帝君廟明崇禎丁丑燬於寇備兵使者
高君斗樞移建小烏門內衛局之東廟之四圍有田一
十五畝募一老僧守之歲取所入以供香火僧旣沒其
徒與里中豪竊相典鬻且盡而香火遂廢廟亦日就殘

圯蓋已二十餘年矣今協將高君士靖見而心恚慨然
以興復爲已任捐俸薪盡贖其田以歸會高君循例趨
京師護協劉都司克聖推廣其意復慮留民之不免於
覲覲也且恐兵弁口實於營將捐資而藉端侵踞焉乞
一言以禁諸石余嘉其言乃進而告之曰 帝君之威
靈固歷萬劫普應寰而無不敬奉也然當三國時

帝君獨奮神勇水軍萬人捍蔽荊州以故荆南屬郡之
民幸不罹曹瞞之蹂躪今日長沙赤子非其苗裔耶則
帝君之大有造於此邦其功德尤烈自茲以往猶有覲

覲侵踞以臨此廟之香火者是必不戴天之目而喪失
乎人之心其亦可也楚人柰何而出於是耶書此以示
來者田之外有水塘七口圍墾五區又街西屋基三間
週圍俱有壕塹皆不可泯沒也故是併書昔

康熙四十四年乙酉歲四月中澣之吉

賜進士出身巡撫銜沅等處地方提督軍務兼理糧餉
都察院右副都御史毘陵趙申喬頓首撰文

新建前湖南方伯陸任山東大中丞邱公祠堂記

康熙四十有四年冬楚南士民合詞言於有司曰前方伯邱公之治湖南也勤以蒞官廉以率屬順民之欲偕與休息以宣布

朝廷德意距今三十餘年而謳思勿替者如一日雖已俎豆長郡學宮未足爲公報也應請闔省崇祀名宦以光鉅典有司臚列其事以上喬適建節是邦因下所司核實皆言宜如所請已通檄各屬置主入祠矣然而邦人之尸祝者則猶未慰也蓋先生遺愛在人愈久

而愈不能忘是宜廟食茲土世世勿絕而君蒿悽愴如
或見之庶有以揭虔妥靈昭示來者遂卜地於郡城之
吉鳩工庀材不數月而告成事升主之日喬齊祓拜謁
祠下寮屬將吏皆在列士民炷瓣香搏顙堦前無慮千
百數且有嘆息泣下者旣而嗣君輩以麗牲之碑不可
以闕焉無辭也屬喬爲文以記喬學識卑陋無能導揚
休徽顧自念受先生特達知者逾二十年知先生
之治行尤詳且忝任封疆凡官於斯土有功德於斯民
者均宜表章懿蹟傳信惇吏而況余小子之於先生

也雖不斐其何敢辭 先生諱永清奉天廣寧人初知
渾源州以平賊有功擢守潁州府引例迴避改補汾州
秩滿遷東昌副使轉湖廣下荆南道旋臬山左未一載
晉藩湖南楚官南北分司自 先生始再補河南以課
最加級至三十二遂開府山東不數日卒於任 先生
敏歷外僚所至俱有惠政而其有德於楚南尤深蓋是
時楚南南賊兵火焚焚子遺未安衽席彼長民者不思
拊循而輿咻之顧諫求無藝以自封殖民是以益困
先生正身率下尤勤於吏事凡閭閻之利病政治之得

矢侃侃持論期必達其志非苟焉已者永寶等府溪流
悍急漕運歲爲民累先生力言改折之便得報可湘
衡以南舊食粵鹽灘險道遠商民交病先生詳請改
食淮鹽至今稱利便焉其他繕城垣修學校戶口田賦
條目井井皆可垂諸久遠時上官所爲多不忌旣惡
先生異已而心害其能乃撫他事齟齬先生竟罷去
先生怡然就道無幾徵見詞色士民扶老携幼環泣攀
轅者相望也上官爲之愧詎夫以先生之宏才偉畧
使得建牙列戟於衡湘間以起沉疴而甦積困豈不大

有造於斯民歟故知先生者咸重惜之然先生去
楚南多歷年所而邦人追思之至今勿敢替先生之
所得不既多耶先生再起陳喬蒼仕睢陽令幸隸
屬末竊見先生淵達有遠畧而臨事果毅執義深堅
卽責有無以奪之每爭事上官前務申其議必得當乃
已尤喜推賢獎善郡縣吏廉潔有行能者則薦揚之必
力惟恐或後然意所不可輒加譴訶不少假以故有司
惴惴奉約束維謹喬素礚拙不善仕宦獨荷先生許
可每進謁辭色甚溫所以期待者甚厚厥後喬以樛材

謬邀行取徵先生之賜不至此猶憶睢陽得代時拜
辭先生訓誨殷勤獎藉備至方期長侍門牆奉典型
乃不逾年而先生遂乘箕尾山顛木壞負痛良深又
自慚駑下弗克稍効尺寸以報所知惟是承乏兩浙及
接撫楚南皆得與諸嗣君共事日以大義相切劘而諸
嗣君遭際

聖明致身通顯其樹立殆未可量於以世濟其美而光
大前猷則先生真可以不朽矣今者瞻廟貌之事新
恍音容之如在不才如喬而得附燕詞以詔來茲豈非

余小子之厚幸哉 先生性警明通知世務之變自州
刺史以至監司所治皆繁劇徵發期會不嚴而辦爲臬
長平反大獄全活者甚衆已具數志傳敢不備書 皆
康熙四十有七年孟冬上浣之吉

賜進士出身巡撫偏沅等處地方提督軍務兼理糧餉
都察院右副都御史受業武進趙申喬頓首拜撰文

重修道鄉堂併建祠堂記

余蒞潭治事之餘卽稽舊典應秩祀者所司詳列具報
內有道鄉祠而其祠之所在併祭者何官俱不可問是
名存實亡俎豆之缺久矣及覽府志載道鄉先生謫衡
過長沙中臣溫益不逐客令旅店不容風雨夜渡湘江
至嶽麓山僧列炬迎之後南軒張先生爲築臺

晦庵朱先生刻石曰道鄉以表焉明萬曆丁巳學道鄒
志隆改赫曦山下建屋奉祀今廢余爲低徊慨歎者久
之夫先生抗疏危言植綱常而忤權貴功名旣所不

顧身家亦不遑恤何有於臺何有於祠第以先生廉
頑立懦聞其風者莫不肅然敬油然而愛願得其遺踪一
瞻其廟貌以附於私淑之列而因以激厲有位扶進人
心何爲一堂一祠聽其廢而不復也因問其臺臺在下
過苦蘇剝蝕已耳問其祠祠在不過庭垣傾圯已耳此
僅僅木石畚築者猶非甚煩難之務也何載筆者竟捨
之爲廢而守土者迷絲此以廢其祀也前哲芳徽忽焉
泯沒豈朱張兩先生垂示不朽之意乎予於楚南理學
忠義之久而漸墜者悉已修復荒陲清其基址煥其規

模而先生居歆之地尙委草莽是予之責也嶽麓隸
善化境乃與善邑章令謀所以興之俾先往相度章令
復予曰鄉學使建屋三楹置主祀於中楹今木主已失
而左爲道鄉臺碑右爲鄉學使自撰碑此卽志所謂建
屋奉祀者也然地處窪僻屋太淺隘不足以容駿奔光
祿獻似宜舉臺碑中立以崇朱張之跡而改卜壤建祠
以隆禮祀之規惟裁奪焉余深然之爰於書院前左方
得隙地一區構材鳩工爲祠三楹繚以周垣中爲祠門
棟宇臺城一準程式其臺碑既遷於中視榱桷之朽者

更之瓦甃之損者易之墻堦之頽缺者補而完之凡閱
四旬而始竣厥事惟臺與祠相望一時並成自此春秋
致祀濟濟踰踰可無歎於寒煙蔓草矣嗟夫 先生之
沒已數百年而眺其墓如見 先生焉彼章惇蔡京溫
益輩雖得志亂朝而至今齒其姓名牧豎猶爲唾罵則
先生可無憾而後之爲惇爲京爲益輩嫉正若仇誤國
流殃者不亦當惻然悔悟以免爲山僧之所竊笑哉余
固 先生同里之後學也叨撫是邦幸藉茲臺茲祠紀
數言以有光於茲土而更期後之人時加葺治勿忘今

日之舉焉可耳至鄉學使置有祠田按碑清釐以資香火亦崇奉久遠之一助也董是役者善邑令章君成與前襄建臺之善邑令潘君之楫皆廣東人似亦有符合云 先生之爵里姓諱已詳鄉學使碑故不復書昔康熙四十九年歲次庚寅孟秋閏月望日

賜進士出身巡撫偏沅等處地方提督軍務兼理糧餉都察院右副都御史毘陵趙申喬頓首撰文

重建趙忠定公祠記

衡陽之有趙忠定公祠也以公謫赴永州道經衡州守臣錢鏊阿韓侂冑意陰中之暴卒殞於湘東開福寺旋得請歸葬而立祠焉者也兵燹之後祠旣不在基地遂侵沒於有力之家余過衡陽偕監司以下往勘僅有隙地數尺指爲祠基噫豈有儼然曰祠而基止數尺者乎因囑衡陽張令力爲清釐其受壓以居者則計值以償之地旣出乃謀建厥祠張令先捐五十緡而余亦勉佐其不逮張令復請曰公祠告竣已奉主入祠矣第今日

之舉非有以紀其事竊慮無以聞忠義而示來茲敢祈
以數言勸諸貞珉使先賢廟貌藉以不朽則卑邑榮幸
實多也余惟國家之治亂視乎用人之邪正然正者少
而邪者多正者之氣類常孤而邪者之聲援常衆北宋
之蔡京南宋之韓侂冑其奸邪一也蔡京謫道鄉於衡
州侂冑竄忠定於永州其嫉正一也道鄉過長沙而守
臣溫益逐客不容忠定過衡州而守臣錢葵陰中以死
其黨邪害正一也天下之正人原不多得幸得一二人
以倡正言扶正氣而又不使其旦夕立於廟堂之上貶

斥不遺流離相繼徒快賊臣之志不悟國是之非宋之
北安得不南而南安得不亡也余既改建道鄉祠於猗
麓而又重建忠定祠於衡陽二公蒙難一時未常不垂
光千載則後之爲正人君子者亦可激厲其志氣而毋
爲奸黨之所危懼也矣惟是錢鑒之惡浮於溫益似應
倣而墳鐵鑄錢鑒跽於階下目受觀者之笞辱以稍紓
義憤並慰忠魂惜前未有行之者而今亦姑仍其舊也
公諱汝愚字子直漢恭憲王七世孫居浙之嘉興擢進
士第一僉書寧國軍判官召試秘書省正字遷校書郎

兼太子侍講除知潭州紹興二年召爲吏部尙書韓侂
胄忌之安置永州慶元二年正月卒於衡州公既歸塋
故里苗裔未有在衡者嗣此棟宇之時葺蘋藻之必虔
皆有司事也爰書此貽張令俾鑄石祠中以期弗替焉
衡陽令張君廷相奉天人實有勞於茲役不可泯也尙
康熙四十九年歲次庚寅孟秋閏月望日

賜進士出身巡撫偏沅等處地方提督軍務兼理糧餉
都察院右副都御史毘陵趙申喬頓首撰文

對聯類

院署

帝命異巾華私徵狹加耗省賦輕徭七郡二州歌

盛世

宸章寶錫飭綏輯誠撫安協心宜力萬歲千秋奉

聖君

但願民安若堵

何妨暑冷如水

題劉忠毅公祠聯

一片丹心霞點湘波千載赤

幾滴碧血竹含嶽麓萬年青

家刻寸知集窻稿自述弁首

余今日詎敢言文哉余賦資不敏質羸善病甫五齡卽
櫻族難借端構醜毀卵破巢維時家君浮水上之衣冠
乘途中之車馬已置苑生於度外而余兄弟流離瓊尾
有不可以一言罄者幸 直指趙正張公恩庇護持父
子得相見而敝廬燼矣薄田鬻矣托足無所投食無門
家君因授書淮揚間挈余兄弟寄居仄渚者數載旋渡
江而南僦邑之城東隅茅屋十餘間居焉播遷蕩越饑
寒田頓而先兄感疾早歿嗚呼良可悲矣家君薄宦二

年清風兩袖羅禍之後資館穀爲入口計廿餘年來無
不知有江南老教書者余隨家君讀書館中文藝經史
家君悉手訂而口授之晦明風雨手一編不釋蓋父子
師徒余之得力於提命爲最深也歲辛丑童試 江陵
胡夫子謬獎首授越壬寅科試 晉江孫夫子優錄食
餼迨癸卯兩午兩躋鄉闈秋風涼月不勝愴悵家君輒
撫而慰之曰無庸遇有遲速數也且年纔弱冠不當以小蹙
墮若志因指其落卷疵類數處示之曰力去此病見售
易易耳余踧踖受教戊申秋

功令役以八股取士家君檢所藏先正程墨更加丹黃
謂余曰如此則合不如此則不合余再跪受教思得一
當以無負教養恩己酉獻歲後卽入小莊鍵戶屏謝一
切求其所以合者去其所以不合者始覺從前行文茫
無是處因思刪繁就簡一歸體要而資力魯鈍每拈一
題或數日不敢下筆或竟日夜甫成一藝家君見有當
意者輒色喜曰此追近之矣將應錄遺試於其行也家
君擬開題數則取前輩名家文數首授之曰奉此爲揣
摩準無多求也余拜而藏之笥中及錄遺兩試無名最

後始護收錄距場期僅一日耳入闈積勞極憊神思惚
惚不自持已而題下不計工拙伸卷疾書意妄自慚也
試畢歸而呈之家君家君曰前番疵類此則盡去因識
其尾曰文自可中郎不然命也來科仍夢如是不須變
格而余竟以是倖售矣榜後謁總裁兩大夫子道聞
中事甚詳余卷爲謄錄所誤幾不敢收賴兩夫子毅然
持之不顧嫌迹以此得不後孫山也計僭艱於貲冬杪始
就公車道家君親送之京口余胝請曰春官試得無更
有進乎家君誨之如前余拜受教而行抵都門假榻

故門下僇生儼若宅中鍵戶屏謝一切如褻時撒棘得
不見損余自維才器謏薄當患難之餘窮愁艱苦無不
備嘗一旦倖博進賢觀光

王國徵家君以父爲師日督月課何以至此凡獲售者
各有刊稿問世余深慙鄙陋不敢應坊人之請洎辛亥春
臬臺佟公祖先生復招余署中課次君儼若習制舉業
乃重理帖括備小篋中攜得舊所爲文若干首每一緝
閱則昔日吮毫搦管窮思極想之狀躍躍如在楮墨間
又不忍忽然棄之於是汰之再汰僅存二十首蓋家君

之所以爲教與余自幼學以迄登第所以奉教於家暑
俱於斯可槩見也是則余今日授梓之心也若曰余遽以
文自見則余今日詎敢言文哉

皆

康熙十年辛亥立穩自蘭陵趙申喬識於皖署之蕉谷

太思類

桂陽州

商

公建湖南大中丞今陞總憲趙公書院

碑記

太官廟祝誌愛慕也若我

趙老夫子之內遷似不可以太律論者從來民生之
利病視乎吏而靜吏之可否視乎大吏若總憲一
臺則井內外諸吏而督司之是以聲之所樹者宏
而澤之所沛者遠况我

夫子以嚴氣正性之槩敷聞城布公之治遐陬薄海

靡不想見其丰采而咏沐其恩膏楚民區區祠而
祝之曾何足志其萬一然直道在人心楚固同然
在桂更有不能泯者洵我夫子勿系

大老夫子庭訓聰穎卓越加之好學嗜古毅然以天
下爲己任甫應童子試以五經藝拔弟子員不數
年登科掇第乃默然自下檢身若不足其天性人品
實有所大過人者出令睢陽清操惠政爲中州冠
冕報最內擢刑曹讞獄持平民無一冤朝右欽有
定國焉乃落落寡合請假家食與梓里敦尚氣節

課子蜚英豈寄傲東山者可同日而語也未幾
皇上睠念忠介徵夫子入都擢晉浙藩旋登開府一
時風紀茂著四方咸心傾之適楚南有大獄籍以
質成道路張觀莫不手額相謂曰是安得一撫吾
楚俾登衽席耶幸

勅調撫綏惟夫子欽遵

明諭革加耗禁私征一剔從來陋習且持廉秉正不怨
亡而背人故能上下相勗警積玩而絕苞苴是以
富藏閭閻官無墨行又振作膠庠設館資以膏火

廣優恤之典有節旃著聞者據實題旌復奏復
建坊銀兩凡關於人倫風教無不殫然畢舉至民
生未興之利封疆隱伏之害皆不避嫌怨懇切

上陳必允而後已八年以來其大造於楚南者皆從
古未有而桂陽例食粿鹽輓運久病荷夫子疊
咨改運樂河商民稱便桂之食德更世世未艾矣
珙忝廁屬下自平江調瀘溪轉調桂陽後以卓薦
保留皆受夫子特達之知疏題再四其倖致
此者皆出於親承渠誨奉爲典型故悉夫子之

行已立政獨詳辛卯春 夫子荷

簡命內任總憲琪奔祖送見 夫子成形於顏方以厥

心朱單爲憾是 夫子加意於楚人者良深而楚

人之繇慕乎 夫子者又安能刻釋此七郡二州

士民各如一心同有公建生祠之請而桂陽首倡

脩舉群效子來不數月而告成奉長生祿位於中

每朔望耆庶瞻拜堦下齊祝我 夫子調和鼎鼐

永佐

聖天子久道化成之治沐恩膏者將引而彌長卽琪奉

職惟謹恍若山斗在前朝夕惕志或不致隕越亦
於斯有賴焉因瑣珉以垂不朽云

康熙五十有一年仲春月上浣之吉奉直大夫知

湖廣衡州府桂陽州事受業梁南伍士琪謹識

計公建各都里名

益商劉時泰

周六府

成六府

祠聯

八年功德在人心非阿所好

九郡歌思行直道不約而同

未陽縣公建

趙大中丞生祠記

邑張應星 篠山

士君子出身加民能使人有去後之思而不忍忘且各
建祠祀之以垂久遠非其德澤與日月同其明與河海
同其潤又烏足以厭飫乎人心而合乎輿論哉若我趙
大中丞其庶幾乎中丞 趙公撫我楚南幾及十載精
自乃心始終如一弊無不除利無不興數年之間吏畏
其威民懷其德人曰楚南剗瘼殊甚 公悉撫綏之向
也哀我憚人不遑寧處今也不然非 公之賜歟向也
勤勞終歲布敎不登今也何如非 公之賜歟向也強

梁厄我莫可誰何今也反是非 公之賜歟是固民之
害也 公除之民之利也 公興之 公之德澤如是
而民無以報之卽報之而無以垂諸久遠是猶見光華
者忌日月測深廣者忌河海雖於我 公無所重輕而
雲繁人其何以自安於是楚之南若郡若邑各建祠以
祀 公而吾未介在遼徼 公之德被於未也與他邑
同豈我邑之人思 公之德也與他邑異而不圖有以
報之乎 應星承乏茲土仰事我 公凡三年 公之德
屬吏而俾獲盡於其職者固非德吾民則 公之德

吾民而使各相安於無事者亦固非德屬吏星又何能
忘之而不與邑之人士共襄厥事乎爰是擇地相址庀
材鳩工建堂廡敞門宇落成顏曰趙大中丞生祠蓋志
不忘也夫 公之姓字爵里事業文章行將光之史冊
垂於千古以來視 公不啻窺日月於隙中求河海於
涓滴原無足爲 公重然而民思之而不能忘則將垂示
於無窮又安得爲我耒耜也蓋 公處心以仁裁事以
義惟其仁也故不言而化惟其義也故不令而肅 公
無負於民民無負於 公其殆於祠見之且於楚南郡

若邑之祠共見之謹記

陞任總憲前大中丞趙公去思碑頌 鄒定周

大中丞武進趙公既內擢都憲踰年矣衡之紳士思慕不設欲道盛德志片石兢兢乎恐同常迹也特請命於今大中丞諸夫子建碑於石鼓七賢祠前推衡陽學傳吳君諱炯重厥事而以碑頌屬定周曰公節度湖南凡九郡吾衡僅處一耳而衡人之思公也若以

公爲獨思已焉者則何也跡公之善政如禁襍徭除棍遺糾耗羨解費有免漕腳有額斗斛有式食鹽無偏阻以至愛士養民而嚴較試慎庶獄懲猾胥也一時蜀

疾苦而登衽席此九郡類然匪獨衡也若乃有事於廟
廟舟歲詣嶽庀材課工不擾里廛寸木庀石皆經親畫
工役靜治稍食均平徒御嚴肅接壤之民若不知有大
興作者睹茲崇闕輝麗僉曰惟公之緒此事隆祀典
亦非私庇衡民也其以視水道巡邊邑也宿舟不鼓者
再遂屏緇流立義館於書院命學博吳君督課并察衡
之城壕各稅爲師生養贍之資後拔於督學使者九人
宋相趙忠定公爲衡守錢鏊嘗辱祠基舊在衡城
公過其地痛孤忠之失祀慨賢績之將湮捐貲命建繼

頌碑文情詞悲壯如出屈馬手隨解纜行至事皆闕禮
教非有私於衡也頃之公以糾泰元戎事解任對簿
衡之人望公曰奈何不自留以活吾輩於是懷香
剪紙禱於嶽神謂嶽神其念公之勞而默相之也既
而公以立勝則以爲神實佑之矣於是村間衢巷在
在操牲潔醴演劇以酬神恩噫使非

聖天子聖明知人善任以嘉惠九郡之蒸黎雖嶽靈祐
公其如人之誣公何哉然則公非有私於衡而衡
之人若以公爲獨私已而思公非無說也昔召伯

宣化南國豈惟私一其棠而愛其棠者思召伯東人覩
周公之衮衣及其入爲元老而思之者猶曰其則不遠
然則信宿之石鼓其作木非我公之其棠乎其渚陸非
我公之鴻儀乎則於是繫思焉謂衡人獨私於我
公其誰曰不宜而定周因之有感矣士君子得志行道
治民而民愛之事上而上信之此古今不易得之數
公何以兼而得之哉范文正公作秀才時卽以天下爲
已任志也迨其後朝廷賴之海內仰之異國亦聞名而
知戒焉無他不負其夙志已矣涓涓之泉等諸行潦穿

山度嶺必達江河而止豫章始萌其蘖以寸而挺然出
危巖間以至千霄百仞何則氣不容圉也古之人身荷
重任爲人所不敢爲不屈不撓務竭其才而後已雖是
氣也詎不餒諸公秉其不可奪之志輔以配道義之
氣行諸物我矢於上下

聖天子辟選精誠倚畀方隆屹泰階而懸冰鏡峻北斗
以馭文昌天壽平格實亮燮理腹心協於一德剛大衆
於兩間在公則惠我無私在民則思之不遠又何疑
焉又何疑焉公之先大夫止翁夫子前朝名甲科

也以部郎終隱其學以尚志爲主養氣次之始筮仕公
安清風惠政不可枚舉其最異者 公自克夫而杜親
藩微夫之妾秉公正論以辨隣邑某姓之誣強禦外跡
上憲動容其淵源何似也 公原本家學錫類孝思居
崇高而儉樸如下士理繁劇而決斷皆親裁忠不謀身
澤必下究式穀以貽而衆賢之嗣歟元入侍豈偶然哉
公憲紀威嚴及與生儒言忠孝之事卽齟齬不倦使聞
之者欲歌欲泣易曰直方大不習無不利不習者根於
天性無不利者協乎人心臣道也子道也惟 公盡之

惟公勿替引之矣公諱申喬字任瞻號松伍江南
常州府之武進人甲康熙庚戌科進士定府特書而志
之於碑以植石鼓之上蒸湘會焉後之覽斯碑者庶其
酌水而知源乎頌曰衡嶽之陽蒸湘之嶺有崇斯石
養乎其鼓水清不激石峻不怒響奏蛟吟濤迴虹舞
君子蒞之賜舟繼浦禮焉揖節方文繫武公近台階
人懷宿雨鵬翼高培龍門還視延直阜陶邦明山甫
綬公肩壽鵠公純嘏百爾所思爰得我所瞻仰弗諼
爰星玉宇俾彼七賢聯輝參伍碑頌無疆江山今古

桂陽州商周六府等公頌 趙大司農恩德碑

入載撫綏 仁同浩蕩 楚食粳鹽 艱辛繫愴

賴獻嘉猷 輸輓宣揚 澤流萬年 水長靡忘

康熙五十四年孟秋月上浣吉旦 陳萬全

夏之時

桂陽州舉商人 周六府 公立

成六府

王開富

張祖良

湖南士民駢赴常德公額 欽差保留趙大中承詞
湖南九府州屬士民李勃等呈爲八載之瞻依難忘
一方之保障何托額 恩題留以培

國本以全民命事湖南半壁僻處偏隅遠離京師四
千餘里自滇黔猖獗蟠踞五載流離瑣尾南楚更甚
恢復以來哀鴻滿野極蒙

皇上仁聖神武軫念民瘼特簡趙大老爺福星照臨百
計方撫字數年之內民有起色種種善政簡在

宸衷流傳口碑非勃等筆舌所能罄也緣於上年因兵

餉一案 奏請清查忽於前月奉有暫行解任之

旨勃等聞之如失父母呼天搶地百身莫贖可憐八載
噢咻一旦割離小民何知何能惟有千百成群走相
奔告嗟嘆號泣付之無可如何而已譬之慈父慈母
鞠育顧復一旦有人挈之而去此去禍福豈嬰兒所
能及知萬一能知又豈嬰兒所能爲力而牽衣惜別
矢死不離非衣飾玩好所能誘而去之亦非刀鋸斧
鉞所能脅而已之者也勃等亦知天朝賢人接踵節
鉞豈患無人但前失召父後得杜母而甘棠剪伐尙

悼念嗚咽而不能止然求如我趙大老爺清廉仁慈
恐亦未多得之數矣勒等士民稍有知識者謂
皇上聖明諗知撫憲節操意將大用之故假此事俾之
北歸

睿慮深遠愚賤何知竊思南楚半省地方遼濶苗民雜
處調劑極難與其衮衣東歸置之師濟之中何如借
寇數年永紓南顧之憂耶勒等情急水火投告無門
哭思挽救之力端賴

欽差老爺激請具

題留撫湖南此後安居粒食之年皆頂祝

洪仁之日矣

康熙四十八年二月十八日奉

督院批

撫院奉

青齊行解任事畢自然復任爾等各歸安業靜候

題請可也

三月十三日奉

欽差兵部尙書蕭 而諭據呈 題請

湘鄉縣縣令頒刊資政錄公請 濟大中丞呈詞
呈爲善政能揚善政傳稿務期不遺聖人乃知聖人叙
書未敢他顧事楚南古稱荒陬沐

聖天子軫念撫綏沅湘今驛化日簡賢大臣後先節鉞
一則垂一路福星九載奏績一則作萬家生佛三年有
成是以洞庭之水浪靜波平醴成時雨衡嶽之山風清
霧歟獨現慶雲文人珥筆而作頌成日唯

聖主乃得賢臣編民擊壤以載歌僉云非杜母莫繼召
父誠湖湘千載之奇逢而後先兩憲之大業也今

趙大中丞內召羽儀霖雨可遍於天下乃紳衿耆庶仰
承惠澤餘恩獨切於臯棠所以蟻等於五十年七月內
以前院之奏疏文告國民兩類不可不傳情願捐貲
鐫刻呈縣通詳當蒙批允業已遵行願善政之流於人
心者智愚賢否止可道其大綱而典章之藏在烏府者
深謀密慮莫能識其精與目今剗剗僅登傳聞於草野
終嘆遺珠掇羅鉅篇尙祈頒發於憲衙庶窺全豹伏
望飭吏檢錫案牘不致塵封俟呼蟻等捧承編集敢辭
蚊負惟是書成政紀愚賤未敢贅游夏之詞品就人龍

湘鄉士民易宗浩等請建 趙大中丞書院呈

闕邑具呈士民易宗浩舒士嵩林馨歐陽璚簡恒易宗
洪羅宗光鐘鳴宮王世賓簡自彬彭逢源吳續先易宗
瀛等呈爲請建書院以供生仰事竊聞周齊王之牧寧
州風行邛苻狄梁公之治魏郡化被畿陲荆楚萬家同
瞻杜父瀟湘七郡共感陶公皆有生祠之奉用揚盛德
之施茲遇

陞任院憲趙大老爺產應蕭星名懸闕月祥開白虎天
生唐室之賢瑞應蒼龍神賜殷王之輔鐘半千年之間

氣覺則惟先叶九百枚之仙籌家占必大青年擢桂壇
坵爭推黃甲標英斗山同望於是歷興州郡屢著神奇
珠還合浦之淵蝗赴武陵之游汝南爭水樹清望於風
詩西蜀瞻蒲播芳聲于雅頌及膺節鉞來撫湖湘寧唯
問俗獨聞郭賀之威露冕觀風群訝賈琮之察李明臨
郡蒼黎千里相迎朱穆領州墨吏百城解綬若乃惠和
爲政清淨居心黃霸則大變民風王暢則早夏國俗非
日非月共仰照臨如雨如雲普蒙恩蔭下車過旱霖隨
皇南之輪刻日征蠻兵表武侯之信安撫之聽採民訟

昏曉必通廣漠之辨決事情鉤鉅兼設減耗則綠疇播
澤道路興歌作人則黃榜聯芳菁莪起色黃次公之大
德澤及米鹽歐陽顧之至仁思墮工賈澆漓盡化市不
飲卒衽席全登民無驚水濟濟都塵欣欣美俗五方同
式九有感傾豈直名懼啼兒仁懷猛獸移濟北之樹治
鄭國之渠而已哉是以清畏人知德動天鑒代趙堯之
位人比周昌奉太素之家兒如梁固將來履楊宗之華
轂弭張氏之輶輝捐笏滿床鳴珂成里也獨是樊南陽
之儒績寶鼎長鑄今叔子之奇功高碑早紀諸等幘幘

久托膏澤親沾望卓茂之榮遷歎冠恂之難借欲存遺
愛丹肯仍置邠人思立講堂書院再嗣嶽麓但俟刺史
之善政必資王瑒之題歐廣州之仁聲亦採慧羨之請
懇乞據情轉詳

各憲仰賜 題請得達與清庶幾想慈愛於其棠召伯
之遺恩尚在聖祠堂之古樹劉公之清德長新用光萬
世垂示千秋不勝懼忤踴躍之至謹呈

康熙五十年六月二十九日呈奉

湘鄉縣祝 批

陞任撫憲趙巡撫湖南九載清風亮節德政覃敷仁教
既深敬思允篤今據額請建立書院足見興情愛戴候
據呈轉詳可也

湘鄉士民公請刊刻 趙大中丞撫楚實政文告
具呈闔邑士民羅士瑛吳經先張若良陳鳳儀謝順
魁洪兆年羅武次胡之鈞陳登榜朱文生劉太生曾
申吉發侯臣王文選劉日文歐帝簡劉伯生蕭公俊
王章蓮朱雲寬劉佐昌等呈爲福星九載民瞻化日
敬陳實政籲懇上達恩留節屋事茲聞君明臣良虞
廷揚善起之風大汰小廉

熙朝收得人之效苟非

一人之有慶何以兆民之胥賴我湘地瘠民貧賦甲楚

自渝官書

卷下

去思

請刻撫楚實政

一

五

卷下

南困于先明之仇墮者三百年困于額外之誅求者
數十載積習相沿非一日矣同之撫茲土者非無文
告規模類皆粉飾一時陽奉陰違徒以紙上空言付
闕閤之望耳欽惟我

皇上仁覆寰宇恩育黎元思撫綏之得人慮邊方之當
輯

特簡瀾星趙大中丞由浙移南自康熙四十二年四月
二十四日到任宣布

皇上盡革私征力減加耗之手諭敬凜

皇上綏輯撫安之額訓矢志澄清不負

天語諄諄立法嚴厲未忍民依戚戚今觀其政之最著者如除軟擡革硬駝以去私派之名目禁里長以除催頭允編區聽廢甲以去私派之領袖頒制戲給制斛除漕規禁庫規以減加耗之重欵疏鹽引禁帖費革鹽規禁採買除船總以便逐末之小民興義學嚴考試除冒濫以養學校之真才舉節孝獎忠貞訪遺逸以彰潛德之幽光禁違禁取利攤放新穀以遏賤夫之壟斷撫苗民廣招徠兵不血刃以全數萬之生

靈設滾單禁單頭以便小民之輸將題分選疏仕途
以濬貢止之壅滯題南米改徵期分別緩急撥存徵
解以寓撫字于催科至於講

上諭以化愚民禁強占以儆刁風嚴現買以安行戶脩
城池以固封疆練標兵以飭武備發月糧以實軍儲
清驛站以杜扣剋速批廻以絕需索刻

御書以廣文教修獄廟而著節省之奇績此皆美不勝
書筆難殫述者也建祠頂祝猶覺禱頌之難罄繪像
觀瞻實爲輿情之允協自非

皇上知人善任之明孰使瑛等感恩食德之深久思報
答未便妄瀆冰 堯仁之大止知出入作息戴 舜
德之隆頓忘耕鑿食飲辟之日在天下而不知天高
日在地上而不知地厚者是也茲者寶屬士民陳白
新等以建祠繪像爲請荷蒙

撫都院潘准行 司 道各憲轉請 天仁咨詢果
否與論成孚等因在案雖有士民具呈回覆無如實
政未錄掛一漏百不無遺恨除現在搜訪

趙憲奏疏告示文案關係除弊甦困愛 國愛民另

行捐資刊刻呈驗外爲此冒昧具覆瀝陳政績之確
察永佩

呈恩之高厚伏乞俯准入詳俾叢爾殘湘皆戴如天之
仁而村野謳咏無非甘棠之詠矣下情不勝踴躍之
至謹呈

康熙五十年七月初十日呈奉

本縣祝 批

陞任趙憲撫綏善政多端前據士民易宗湛等公請
捐建書院業已據詳 府憲矣今爾等復稱情願捐

貴刊刻奏稿文移以垂不朽愈見爾等愛戴情真足徵

趙憲恩德感人之深准候通詳各憲批示遵行可也

湘鄉祝令請建書院捐刻政錄詳

湖廣長沙府湘鄉縣爲請建書院以供生佛事康熙五十年六月十九日據士民易宗潜等呈前事據此該知縣祝倅就經具詳長沙府彙詳轉達外復據民羅仕瑛等赴縣呈爲

福星九載民瞻化日敬呈實政籲懇上達恩留蒞屋事各等情據此恭照

陞任撫憲趙 巡撫湖南九載清風亮節德政覃敷仁教既深敬思允篤久已口碑載道毋庸再爲多喙今據

閩邑士民剴切具呈籲請詳明建立書院復願捐貲刊
刻政錄足見愛戴情殷輿論咸孚合無據情詳請
憲臺俯賜查閱批示施行

康熙五十年七月

日知縣祝全

奉

長沙府薛 批

仰候轉詳仍候 各憲批示繳

按察司王 批

仰候會詳 撫都院批示繳

布政司佟 批

已奉 撫都院據該縣詳批司會行飭查矣此繳
撫都院滯 批

前據寶屬士民呈請建立書院事情已批司道查
議矣今據該縣詳稱士民公請捐貲刊刻

前院疏稿教條仰布政司按察司會同提學道一併確
查妥議詳奪繳

湘鄉士民奉文允刻 趙大中丞政錄公約助

貲徵啟

蓋聞惠著東方常寶畢公之鉞政行南國時歌召
伯之棠矧恩深洽髓何止南李北陳化極淪肌咸
歌召父杜母如我

趙大中丞耆撫南九載佛活萬家系

宸誥於九重錢穀兵刑剔清利害凜官方於三尺雷霆
雨露總致生成懷破柱剛風吏行冰上憶埋輪盛
事人在鏡中因早而議蠲議賑實惠務徧窮簷利

民而請諱請因良法非循故事悉除苛歛減額外
以及額中永却羨餘務富民以爲富 國且慮吹
執散綺易移蕩子之心列鼎陳牲輕廢中人之產
故去奢崇儉常衣渤海之裘戒侈飭靡日咬菜根
之汁況黨庠設教子衿之誥無聞孝弟力田游惰
之民悉化時任朝歌長不辭錯節盤根未減南康
侯實能正心誠意墨吏望風而去咸謂黜陟無私
父老扶杖以觀真正大平有象乃

聖主思近賢臣慶吉人燭茲

天子特申綸綍之命用資啓沃之班中外士民懽相司
馬湖楚黔黎恨失冠君顧遺愛在邇爲請建清德
之模而典型非遙因思紀致澤之實業經合詞額
請蒙批准刊聽民夫大風吹垢應來黃帝之靈將
琉璃卜相自啓姚盧之賢爲吾禦侮豈止表鎮百
城此行登僊竚看諸圖麟閣但蕭帷還朝長思乳
哺陸續載石僅見輕舟濟茹手帕寧忘黑髯之思
黃紙袍衫當思赤牛之尉建生祠以志去思芳徽
在望刊惠政以垂久遠愷澤旁流拜舞碑前父老

應皆歡踴爲誦手迹長勿諒有同心凡我湖南之
人率屬食德之衆伏冀惠然肯來慨如致助以數
年三九之蓄成此日黎棗之功匪惟建康爾旨之
思抑且蔽芾不忘之意謹啟

湖南七府二州紳士耆庶公啓

趙公實政錄後跋

從來有非常之才者必獲非常之遇始克安其位而無掣肘之虞尤必歷歲月之深始克展所長而有掉臂之樂然不過盤根錯節烏知其游刃於虛迎鋒以解之易耶如我

大司農恭毅趙公者以不世出之才膺獨隆之遇特奉

俞旨撫鎮湖南九載以來粗衣菲食遺大投艱經營勞瘁不遺餘力匪利弗興匪強弗摧故其治行行不

便於吏而便於民不便於勢豪舞法之徒而便於
窮簷之赤子執戟之軍丁凡所設施動合機宜切
中時弊庶司百僚群奉典型不啻若此堅導窾而
亦無留滯也若燭照數計而物無遁情也若駕輕
就熟任險阻崎嶇而坦乎無礙也若太區區畫已定
審曲而勢而引削自如也由是封疆之內沾濡乎
雨露照臨乎星月嚴肅乎雷霆者莫不懷德畏威
至去後而歌頌弗諼無他其事可法其行可思其
深仁厚澤可歌而可泣何其入人之深而繫人之

久如此也 公未履任時太史奏福星臨楚在翼軫之間及 公至振興風弊百度維新其言卒驗是楚而南其得沐浴乎光天化日之下者象緯之兆先有明徵今雖以

內召去任湖南七府一州之人如離慈母借寇弗能思慕難已又懼歷年既久父老代謝 公之政績湮沒不傳群籲

大中丞潘公願刊 公存稿以志不忘而爲法將來蒙下所司會議報可以故輿情踴躍鼓舞稱快爰

輯九載內 公所著之 奏章咨移批詳禁示憲
牌藝文爲稿凡若干卷選材歛費鳩工付梓以垂
不朽俾山陬僻邑白叟黃童得是編者展卷讀之
覽 公宦澤之盛愈知 公造福湖南者誠爲不
淺甘棠之咏其可少乎哉噫 公之爲政率性以
行不事粉飾未嘗要譽於人而人之頌之者萬口
一辭焉斯固我 公盛德大業之所致也亦湖南
士民三代直道之不容泯也但稿存 院署搜討
維艱茲採民間收存者僅十中一二焉掛一漏百

之咎亥豕魯魚之訛知難免矣惟冀多聞君子博
搜廣輯存之笥中以備他日續補一助云刻既成
謹錄愛戴之情以附諸後

肯

康熙五十二年癸巳歲春王之吉

湖南九屬士民頓首薰沐公啟

湖南司道公請建立 趙大中丞生祠刊刻奏草
詳

爲顯恩請 題援例建祠儀型百世垂德澤於無窮事
康熙五十一年六月十六日奉 偏沅巡撫都察院清
據寶慶府士民陳自新等呈前事批據呈 前院趙
蒞任九載革沿習之舊弊宣浩蕩之

皇恩請繪像以建生祠庶其棠之勿剪伐仰布按二司
會同提學道緝查各屬果否與論咸孚定議詳奪繳奉
此該本司道等會看得 原任撫都院今陞都察院左都

御史趙明同金鏡清徹冰壺寧淡薄以自耳食無兼
味總勞苦其何避手不停披耗派悉除一避

聖訓苞苴永絕端自臣心濁者激清者揚民懷吏畏顏
夫廉懦夫立俗美化成恤郵困則驛站之錢糧親支培
士風則星沙之書院獨建因

御書長藏綴麓特疏移官將淵鑑重付梓人弘文佐治
凡此良法善政九載實竊勞思愛是頌德歌功士民共
深愛戴矣茲者欣逢

一人之寵者

特搆獨坐於塋班肅紀振綱垂奕世之弘謨時新

北闕攀轅臥轍憶當年之厚澤感竊湖南雖遠無功臣
雲塋上自必列諸圖畫而家師活佛草野中夏願肅其
儀容況去後而建生祠旣無違乎定例且爭先而鐫
奏草又皆出自誠心轉採輿情實爲脗合載泰屬議復
亦相同謹脩錄以奏申祈各允其所請相應會詳伏乞
本都院俯賜查閱批示等因奉批據查去後建祠無違
定例爭先鐫疏皆出誠心如詳仰卽飭知聽令百姓自
行捐建捐刊毋許光棍藉派滋擾所在地方各自推擇

老誠殷實鄉耆一二人督工登記俟工完日各該地方
官查明申報繳等因又奉 總督部院鄂批 陞任偏
撫蔣趙 蒞楚九載惠政多端九屬軍民實深恩澤今
各願捐建生祠刊刻疏草文告足見愛戴情殷既據該
司道等查議僉同應如所請以愜輿情仰卽移行遵照
仍候 撫都院批示繳奉此令行飭知備牌行府照文
事理卽便通飭所屬聽令百姓自行捐建捐刊毋許光
棍藉派滋擾所在地方各自推擇老誠鄉耆一二人督
工登記俟工完日各該地方官查明申報 兩院並報

本司查考毋遺

國家圖書集成
卷一百一十五
通志
卷一百一十五
通志